



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MDLX. ad annum MDCXXIII.

Parisiis, 1644

VI. De residentia curatorum.

urn:nbn:de:hbz:466:1-15522

ANNO CHRISTI 1596. tis a rebus pendent, definire vel superuacaneum, vel incertum, & indefinibile putamus.

Quod ad causas absentia pertinet, id fiat, quod Tridentino Concilio sanctum & declaratum est; cuius dispositio nem in omnibus declaramus seruandam & exequendam.

Qui inscita laborant, & ambitiosa nobilium potentia nituntur, cum vel ad ordines, vel ad beneficia aspirant, commendatitias literas vnde collectas ad præsidium inscita suæ adsciscunt. Duo vero, quibus est occurrentum, efficere conantur, ut imperitiam his suis fulciant administrulis, aut prælato liberam disponendi facultatem admant, vel eumdem in difficultates adducant. Idcirco statuimus, & declaramus omnes & singulos commendatitiarum literarum perquisitores, & præsentatores, siue ad ordines, siue ad beneficia aspirent, quandocumque pro prædictis commendatitias præsentarint, tunc temporis ad eadem, quæ tum petunt, quamvis alias idonei essent, non promoueantur.

Capellæ, & altaria de iure patronatus laicorum, incompta, & inculta, decet omni ratione ornari. Patronos autem episcopi iuris remedii compellant, & quæ debent, omnino a parte sua impleant.

Præterea vigiliis sanctorum, & festorum dierum, quibus ieunatur, præcedente vespere signo campanæ intimitur populis ieunii futuri obseruatio, ut ignorantia prætextus excludatur. Quod episcopi parochis indicent omnino exequendum.

VI.

Quæ curam animarum ex officio suscep tam habent, rei debent, quam sustinent, quæ singulis periclitatur momentis, præsentem operam dare; atque hi quidem ut corporali insistunt residentia, ita piis debent conatibus urgere, ne quid propter illorum iniuriam, aut nequitiam pereat, & reddenda rationis obligatione malum custodem obstrin gat. Debent curati meminisse, datos se populis mediatores inter Deum, & homines, ut sacra frequenter facere pro eccllesia sancta Dei, & populo sibi commisso non omittant; ut verbum Dei, cuius dispensatores facti sunt, inculcare animis fidelium non desinant; ut sacramenta petentibus vel ministrare, vel proponere, & suadere maxima diligen-

tia, studeant, vt vitæ integritatem in exemplum aliis prætendant, & quasi lucernis ardentibus viam demonstrent, qua per diuinorum mandatorum obseruantiam in cælum ascenditur.

Sacra festis diebus facere curati non omittant: reliqui vero tam sæpe, vt muneri suo satisfaciant. Sacraenta omnia ex Romano rituali ministrent, vt in breuiario, Missali, sacerdotali, rituali, & aliis sanctam apostolicam Romanam ecclesiam magistram, quæ non fallitur, & matrem, quæ materna dilectione filios non amare, & salutaribus non pascere alimentis non potest, omnino sequantur.

Duo sunt fines in humana fragilitate; ingressus in vitam, & exitus: his tamquam curriculi huius finibus vita præsens terminatur, utrobique curatorum vigilantia, & Christiana caritas requiritur. Cum enim ingredimur in hanc vitam ærumnis & periculis refertam, iræ filii, spei salutaris expertes, & renouationem regenerationis expectamus; præsto debet esse, qui baptismi sacramento originalis peccati maculam abstergat, & in filiationem Dei, qua iuste primi parentis culpa damnati fueramus, restituat. Discessus ex hac vita, qui graui premitur erratorum pondere, & perpetui naufragii metu, nisi opportune spiritualis medici pharmaco muniatur, & confirmetur, iure quidem postulat, vt dispensator, cui fuerat ministerii ratio commissa, damni poena damnetur. Ad patrinatum in baptimate non admittant curati eos, qui saltē memoriter non teneant orationem dominicam, salutationem angelicam, & symbolum apostolorum.

Sint igitur curati diligentia, & fidei ministerio commendabiles, vt opus, quod tenent, diligenter sustineant, Dei, & episcopi sui animaduersiōnem subituri, si negligenter se gesserint. Ac hi quidem extra parochiæ fines habitare non præsumant, sed inter suum gregem diuerticulum habeant, vt in omnes partes custodiæ, & caritatis suæ affectio commode dimanet. In libro descripta habeant distincte nomina parochianorum per domos, & familias; confessioni, & communioni paschatis resurrectionis dominicæ intendant; inter illos omnia obseruent, omnia circumspiciant. Ut patresfamilias bene familiae præpositi, si quem præsenserint corpore ægrotare, prudenter adeant, consolentur;

ANNO
CHRISTI
1596. lentur ; ac vt medicus corpori subuenire medicamento properat, salutis monita prudenti, & maturo sermone, ac spirituales medicinas proponant, suadeant, ministrent ; ac ouem Christi sanguine redemptam ne patientur inedia, & fame spirituali perire. Præter libros, in quibus scribantur nomina baptizatorum, & confirmatorum, habeant curati librum matrimoniorum, atque item mortuorum : vius enim iam docuit huiusmodi scriptiones ad multas, easque maximas, etiam summe periculosas controuerias tollendas pertinere.

De ecclesiis, sacristiis, ecclesiastica supellecili, & decenti illorum omnium cultu, ita curent, qui parochialibus præsunt ecclesiis ; vt nihil appareat sordidum, aut minus quam decet nitidum.

A cœmeteriis vineas, & fructuosas arbores amoueant; nec intra solum sacrum venale quidquam proponi sinant; vt re appareat quod iam norunt per doctrinam omnes, esse domum orationis, non autem negotiationis.

Miserabilium personarum parochiæ suæ curam gerant paternam, præsertim vero vbi iuniores pueræ, aut viduæ sunt, quarum egestas graue periculum ostendit : atque in hoc ipso ita contendant, vt omnem etiam lapide moueant; quo casui, qui videtur instare, summa caritate occurrant.

Domus parochiales ordine ac disciplina sint reliquis exemplum. Curati omnino ad quocumque vel vile ministerium feminas non adsciscant sibi in familiam, quæ aliquando infames corpore fuerint, vel infamibus domestico ministerio inservierint, aut propter ætatem, & alia suspectæ esse possint. Mares etiam illos minime recipient, qui publici blasphemi sint, aut scelerosi, aut saltē in passchate confessi, & eucharistiati non fuerint. De feminis in ciuitatibus, præcipimus a vicariis generalibus episcoporum huiusmodi ministras, prævia aliqua cognitione probari: in opidis, pagis, & villis ab archidiaconis, seu vicariis foraneis regionum.

Discessus curatorum a parochiis vt propter animarum curam, quæ singulis obiicitur momentis alicui periculo, est inhibendus ; ita indulgendum necessitatibus, & temporum qualitati. Itaque sciant episcopi, eorumque vicarii licentiam discedendi in scriptis, gratisque non ultra bimestre

Concil. Tom. 36.

K k k k

tempus, nisi ex graui causa, esse concedendam, sicut decreto Concilii Tridentini statutum fuit. Ut autem in ciuitatibus licentiam huiusmodi edicimus a vicariis generalibus in scriptis esse petendam; ita in opidis, pagis, & villis petendam decernimus a propriis vicariis foraneis pro facultate illis ab episcopo limitate concedenda. Si qua vero fuerit legitima causa, quo minus curatus aliquis apud ecclesiam suam residere possit, erit illa quidem legitimate coram episcopo, aut eius vicario generali probanda: & si fuerit ex illis, quæ iusta videri, & reputari possit, licentiam scripto authenticō comprehensam dare licebit; quarum licentiarum vel longi temporis residentia excusantium, vel breuioris ex causa momentanea, mandamus librum, seu regestum quamprimum fieri, vt quandocumque licentia huiusmodi videri, ac reuideri possint.

VII.

MONEMVS omnes in Domino absentiam iure permittente ex causis rationabilibus indulgeri, vt humanis sit necessitatibus consultum; non vt canonici ad luxum, & venationes, & illa, quæ modestiam clericalem non decent, per occasionem indultae absentiae diffuant: quod illos meditari apud se, & perpendere æquum est. Absentiam ab ecclesia monemus omnino non suscipi dominici aduentus tempore, quadragesimæ, nativitatis, resurrectionis, pentecostes, itemque corporis Christi, atque ita dimitti, vt dimidia saltem pars canonicorum, (saluo illorum iure, qui super his priuilegio fruerentur, viridiobseruantia stabilito;) in ecclesia remaneat.

Si qua extra ordinem causa grauior, & longioris absentiae necessitas, ex priuato etiam incommodo emerserit, illam decernimus ab episcopo seruatis seruandis cognosci; interim ad perceptionem distributionum quotidianarum absentem non admitti.

Ac vt distincte, quid hoc in genere vitandum, quid sequendum, cognosci ac decerni possit, statuimus, canonics, seu beneficia sine cura obtinentibus, quæ residentiam personalem requirunt, si ætate maiores triginta annis fuerint, licentiam vt proficiscantur ad studia in gymnasiis publicis obeunda denegandam, nisi studia iam cœpta perficere continuato cursu perseuerarint. Huiusmodi autem li-